

كيف كان يتعامل النبي ﷺ مع غضب زوجاته وغيرهن؟ | للشيخ الحويني

أبو إسحاق الحويني

طيب النساء عادة لما يكون الرجل متزوج باكثر من امرأة ممكן يحصل مشاكل نزام بقى الضرائر والبتابع ده والكلام دوت الحمد لله رب العالمين. انا في بيتي اللي يبجي يدخل البيت عندي - [00:00:01](#)

وما يعرفش ان انا متزوج باربع من النسوة لا يصدق ان دول ضرائر ممكן يولد ناس ساكنين مع بعض جيران في العمارة اخوات شقيقات انا استعملت كلما قرأته في السنة معهن - [00:00:18](#)

والله وبالله وانا ما احلف عادة في حياتي كلها ما فعلت شيئاً قرأته في الحديث بحذافيره الا وجدته كما هو وانا مستقر الحمد لله جدا مع نسائي ومشتاق لاي مشاكل. ليه؟ لان الرجل - [00:00:42](#)

الضحية الاولى في التعدد هو الرجل مش المرأة الاولى ولد تاني الضحية الرجل ليه؟ لانه لابد ان يجلس على كرسي الاعتراف كل ليلة ها ويحاسب بالساعة انت امبارح رحت قبل العشاء بنص ساعة - [00:01:04](#)

جاي لي بعد العشاء ليه؟ انا لي ساعة عندك ها شف يبلغ المسائل بحاجة زي كده يعني انت آآ ممكן لو ما انتاش واعي اوي والكلام ده وعلى نياتك وبيتكلم اي كلام لا هي قرون الاستشعار بتاعتتها - [00:01:32](#)

مستيقظة اربعة وعشرين ساعة تلقط الكلام وتجيب بعضه البعض. وممكן تقول كلمة من شهر وبعد شهرين تقول كلمة عكس الكلمة دي تجييهم لك لبعض ها ما تقوليش بقى لا اليوتوب ولا الفيسبوك ولا الكلام ده. ها تحط دي جنب دي وواحد قال لك لا وبعدين قال اه في فتوى - [00:01:52](#)

لا هي ما شاء الله عليها في المسائل دي عندها قرون استشعار تمام وتجيب لك دي والسنة اللي فاتت مش فاكر عملت كذا والسنة وانت يا ناس اصلاً ناسي فطرت ايه - [00:02:16](#)

واحد بالك؟ فيوم يبقى على نياته مسلا يقول والله الحقيقة انا كنت آآ انت اتأخرت ليه؟ بيقول والله اصلها كانت آآ عندها مغص رحت بقى للدكتور وبعدين آآ حبت تشرب مانجة حودني على محل عصير. ساقيتها مانجة ومش عارف ايه والكلام - [00:02:29](#)

تقول له آآ هو انت ليه وديتها؟ هو انا مش كان عندي مغص السنة اللي فاتت واتصلت به وقلت لي خلي يوديك ها اشمعنى هي ودتها واخويا اللي وداني - [00:02:49](#)

وبعدين انت مش فاكر لما كنا رايحين المشوار الفلاني وقلت لك انا عطشانة جبت لي مية معدنية وما ساقتنيش مانجة ها الدنيا ماشية كده بقى والكلام ده انا عرفته بقى من ايه؟ من كتر المشاكل اللي بترد علي من التعدد وبتاع والكلام ده ويا شيخ وبيعمل في كذا وبيخلي كذا ومش عارف ايه والكلام ده. فانا كمان ايه عندي - [00:03:05](#)

استشعار بقى ايه بقى برضو بلم الكلام على بعضه وبماحول اه برضو ان انا ايه استفید منه. اللهم اجعل لنا عبرة ولا تجعلنا عبرة. ها فهو لا يمكن ابدا ان تنفذ كلاما للنبي صلى الله عليه وسلم الا وتجد السعادة في ركابك - [00:03:25](#)

مشكلتنا احنا رجالا ونساء نقرأ ونفعل كما قال الفضيل بن عياض لتلاميذه انتم عارفين بقى الفضيل ده كان اية في الزهد واية في الورع الى اخره. بس قبل ما يبقى كده كان اية في العلم - [00:03:50](#)

وبعدين لقى خد من العلم ما يكفيه قال لك اترفرغ للعمل بما علمت فكان التلاميذه يقولوا علشان يحدثهم. يعمل مجلس تحديث زي بقية

العلماء. يقول حدتنا فلان عن فلان ان النبي صلى الله عليه وسلم قال كذا وحدثنا فلان عن - 00:04:11

هم يكتبوا وراث فجاء له طلبة الحديث يوما قالوا له يا ابا علي حدثنا قال انتم مفتونون وهل علمتم بكل ما علمتم عشان تيجي تستزيد كل شوية. عايز اسناد عالي. اعلى درجة. وعايز اسناد غريب. ومش عارف عايز اسناد ايه. يعني هل علمتم بكل ما -

00:04:30

علمتم حدثني الاعمش انه قال برضو لم يخل المسألة منفائدة. ما هو جايين يقولوا حدثنا اما حدثه. اهو حدثني الاعمش قال اذا اخذت اللقمة فرميت بها خلف ظهرك فقل لي متى تشبع - 00:04:58

كل ما تاخد اللقمة مش تروح ليك لأترميها ورا ضهرك. هتفضل جعان على طول. عايز يقول له قل لي متى تعمل؟ انت عمال تلم في العلم طول عمرك وتروح لي هنا وتركب لي بلاد وتروح بلاد تركب الافيال وتبيع الدار وتبيع الحمار وتبيع البتاع عشان تروح تطلب لي اسانيد غريبة من اخر بلاد الدنيا والكلام ده - 00:05:22

انا عايز افهم بقى اللي انت جمعته ده كله ومليت بدفعاتررك هتعمل به متى؟ قل لي. اما تموت هتبتدى تعمل يعني فهو ايه قال لهم كده انا بقول لاخواني اكتر المشاكل اللي في البيوت سببها - 00:05:44

اننا لم نقتفي اثر النبي صلى الله عليه وسلم في حياته مع امرأته. ولم نقتفي اثر النساء يعني اداء انا ده بقول لكم كلام النبي صلى الله عليه وسلم كيف كان يتعامل. انا عايز اقول للنساء كيف يتعاملن مع ازواجهن - 00:06:06

اه الحديث المشهور الذي تعرفونه ان شاء الله وفي الصحيحين ايضا من حديث عائشة رضي الله عنها قالت كان اصحاب النبي صلى الله عليه وسلم يتحررون بهدايهم ليلة عائشة عارف ان النبي صلى الله عليه وسلم يحب عائشة حبيب حبيبى - 00:06:26

عايز يتقرب الى النبي صلى الله عليه وسلم فيقوم يجي يستنى الليلة بتاعة عيشة ويحط الایه الهدية بتاعته. حتى صار عند عائشة هدايا كثيرة ازواج النبي صلى الله عليه وسلم عارفين الموضوع - 00:06:47

عايزين برضو ايه يصيبحن من الخير ما اصابت عائشة اول ما كلمه ام سلمة كما في رواية البخاري ليه تكلموا ام سلمة؟ بالذات دونا عن بئر بقية ازواج النبي صلى الله عليه وسلم - 00:07:00

لانكم تعلمون ان النبي صلى الله عليه وسلم لما ذهب ليخطب ام سلمة قالت له لا استطيع ان اتزوج. قال لها ايه قالت اني مصبية عند صبيان وكبيرة في السن - 00:07:20

وامرأة غيراء ما استحملش يكون علي ضرة قال اما قولك كبيرة فانا اكبر منك واما قولك اني مصبية فصبيانك الى الله ورسوله واما قولك انا غير فسادع الله ان يذهبها عنك - 00:07:36

يبقى ام سلمة بتغادر ولا ما بتغادرش لا تغار بقى خلاص ما هو النبي صلى الله عليه وسلم دعا لها خلاص لا تغار. عشان كده قاموا مكلمين مين مكلمين ام سلمة ما لا تغار - 00:08:02

وفي مسند الامام احمد ان عروة بن الزبیر سمع عائشة رضي الله عنها تقول كان النبي صلى الله عليه وسلم يقبلني وهو صائم فقام واحد الكلام ده ورایح لمین ؟ لام سلمة - 00:08:14

فقال لها الم تر الى عائشة تحدثني انه ان النبي صلى الله عليه وسلم كان يقبلها وهو صائم فقالت لعله كان لا يتمالكها حبا اما اي اي فلا يبقى واضح اهو لما بدأوا يكلموا ام سلمة عشان ام سلمة لا تغار لان لما يكون واحدة بتغير من واحدة - 00:08:30

توصيها بايه ؟ تقول لنا بقى تقول لها ايه خليها توزع علينا بتاع تقول لها ايه يا اختي اللي انت لما قل لي مكوش على الدنيا كلها كده ما توزع علينا حاجة - 00:08:54

ها ما الكلام هيبقى بالنظام ده بقى. وواحدة غيرانة من واحدة. فهتتكلم ازاي يعني؟ لازم هتتكلم بنبرة تحدي بتاع الكلام ده. لكن ام سلمة عوفيت من داء الایه؟ من داء الغيرة. وبالتالي الكلام هيكون ايه؟ هيكون مع النبي صلى الله عليه وسلم هادي بنبرة هادئة -

00:09:08

النبي صلى الله عليه وسلم كان بيلف على نسائه. جه دور ام سلمة قامت مكلمة ان نسائك يسألنک العدل في ابنة ابی قحافة في

عائشة يعني ويقلن قل لاصحابك ضعوا هداياكم حيث تكونوا من نسانه - [00:09:25](#)

يعني عايزين النبي صلى الله عليه وسلم ايه اول يوم يقول للصحابة آآ يا جماعة اللي عايز يجيب لي هدية ها آآ في اي مكان انا اكون في اي بيت يجيب لي الهدية. طب النبي يقول الكلمة دي - [00:09:44](#)

هو التعریض بطلب الهدية من صفة اهل المروءة اصلا يعني انا مسلا اقول لك ايه ؟ والله يا اخي الكريم آآ آآ انت في الكويت وجاي لمصر طيب والله انتم عندكم آآ محاميل جديدة وابتوبات جديدة كده يا ريت والله تبقى تجيب لي كبشه - [00:09:59](#)

هات لي درزم انت جاي. ها. واحد بالك ازاي ؟ اووعى تدخل بايدك فارغة احسن كده انا كده هازعل منك. الله هو ايه ما فيش حد يعرض طالب الهدية ابدا يعني - [00:10:19](#)

فمعنى النبي صلى الله عليه وسلم يقول بقى ايه هاتوا الهدية في اي حته انا موجود في اي حته بيجي كانه بيعيد بيعرض بطالب الهدية وهذا ليس بالفعل اهل المروءة فضلا عن رسول الله صلى الله عليه وسلم - [00:10:32](#)

اللي هو يعني اسماء النبي عليه الصلاة والسلام سكت ولم يرد عليها صباح الصبح ها ايه الاخبار؟ قالت سكن وقلنا لها طيب استنى بقى لما يلف وييجي عليك تاني فتحيه في الایه ؟ في الموضوع - [00:10:42](#)

النبي صلى الله عليه وسلم على ازواجه ام سلمة قامت بفتحات الموضوع برضه سجد ما تكلمش ايه الاخبار ما تكلمش برضو لما يلف عليك برضه ايه قولي له الموضوع لف النبي صلى الله عليه وسلم وجاء على ايه ؟ ام سلمة قامت قايلة له - [00:11:04](#)

قال لها ايه المرة دي ؟ قال يا ام سلمة لا تؤذيني في عائشة فوالله ما نزل الوحي في لحاف امرأة غيرها شوف التفضيل جاي منين اهو ما نزل الوحي في لحاف امرأة غيرها - [00:11:26](#)

ام سلمة قالت اعوذ بالله يا رسول الله من اذاك لما بقى ايه الصبح بقى ايه الاخبار؟ قالت لا اعوذ بالله من اذى رسول الله خلاص ام سلمى مش هتجيبي نتيجة بقى نكلم مين - [00:11:47](#)

اللي هي بقى ما يتدرلهاش كلمة اللي هي البضعة الحبيبة للنبي عليه الصلاة والسلام اللي هي فاطمة رضي الله عنها عائشة بتقول والنبي صلى الله عليه وسلم جالس والنبي صلى الله عليه وسلم في لحافي. دخلت فاطمة والنبي صلى الله عليه وسلم في لحافي - [00:12:07](#)

وكانـت لا تخطـي مشـيتها مشـية النـبي نفس طـريقـتها في المشـي وتهـزـ ايـديـها بـنفس طـريقـته بالـضـبـط رـضـوان الله عـلـيـها وـعـلـى اـبـيهـا الصـلاـة والـسـلام فـلـما رـأـها قـالـ اـهـلـاـ بـابـتـيـ جـلـسـتـ فـاطـمـةـ عـلـى طـرفـ السـرـيرـ - [00:12:30](#)

قالـتـ والنـبـيـ صلىـ اللهـ عـلـيـهـ وـسـلـمـ فيـ لـحـافـيـ ماـ غـيـرـوـشـ الـوـضـعـ بـتـاعـهـمـ يـعـنـيـ قـالـتـ ياـ رـسـوـلـ اللهـ اـنـ اـزـوـاجـكـ يـسـأـلـنـكـ العـدـلـ فيـ اـبـنـيـ قـحـافـةـ يـاـ عـائـشـةـ فـقـالـ اـيـ بـنـيـتـيـ - [00:12:53](#)

اتحبـينـيـ قـالـتـ اـجـلـ فـقـالـ لهاـ فـاحـبـيـ هـذـهـ خـلاـصـ اـوـلـ ماـ خـرـجـتـ هـاـ اـيـهـ الـاـخـبـارـ؟ـ قـالـتـ وـالـلـهـ لـاـ اـرـاجـعـهـ فـيـهـ اـبـدـاـ اـمـبـارـدـوـاـ مـكـلـفـيـنـ مـيـنـ؟ـ زـينـبـ بـنـتـ جـحـشـ بـقـىـ ماـ هـوـ جـابـوـ بـقـىـ اـيـهـ الـاـعـلـىـ بـقـىـ ماـ هـوـ زـينـبـ هـيـ التـيـ كـانـتـ تـسـامـيـ عـائـشـةـ وـتـسـاـوـيـهـاـ فـيـ الـمـنـزـلـةـ - [00:13:13](#)

وعـائـشـةـ التـيـ اـعـتـرـفـتـ بـذـلـكـ.ـ قـالـتـ فـارـسـلـوـ زـينـبـ وـهـيـ التـيـ كـانـتـ تـسـامـيـنـيـ لـازـوـاجـ النـبـيـ صلىـ اللهـ عـلـيـهـ وـسـلـمـ قـالـتـ زـوـجـنـ اـهـالـيـكـ وزـوـجـنـيـ رـبـيـ منـ فـوـقـ سـبـعـ سـمـاـوـاتـ مـكـانـ زـينـبـ كـانـ لـهـ اـدـلـالـ عـلـىـ النـبـيـ عـلـيـهـ الصـلاـةـ والـسـلامـ - [00:13:44](#)

برـضـوـ جـاءـتـ زـينـبـ النـبـيـ صلىـ اللهـ عـلـيـهـ وـسـلـمـ فـيـ لـحـافـ عـائـشـةـ فـقـالـتـ ياـ رـسـوـلـ اللهـ اـنـ زـوـجـاتـكـ يـسـأـلـنـكـ العـدـلـ فيـ اـبـنـيـ قـحـافـةـ.ـ قـالـتـ عـائـشـةـ وـاضـجـعـتـ فـيـ الـكـلـامـ يـعـنـيـ اـتـكـلـمـ بـكـلـامـ اـيـهـ ؟ـ فـيـ - [00:14:02](#)

يعـنـيـ شـدـيدـ شـوـيـةـ الشـاهـدـ بـقـىـ اللـيـ خـالـانـيـ اـجـيـبـ الـحـدـيـسـ دـهـ وـدـهـ وـصـيـةـ لـلـنـسـاءـ قـالـتـ عـائـشـةـ فـنـظـرـتـ الـىـ وـجـهـ النـبـيـ صلىـ اللهـ عـلـيـهـ وـسـلـمـ هـلـ يـكـرـهـ اـنـ اـنـتـصـرـ هـيـزـعـلـ لـوـ اـنـ رـدـيـتـ عـلـيـهـ لـاـنـهـ اـتـكـلـمـ فـيـ حـقـهـ بـكـلـامـ نـاـشـفـ - [00:14:16](#)

الـاـولـ قـبـلـ ماـ تـكـلـمـ بـصـتـ لـوـشـهـ يـغـضـبـ وـالـلـيـ مـشـ هـيـغـضـبـ بـقـىـ فـهـمـنـاـ مـنـ هـذـاـ اـنـ عـائـشـةـ رـضـيـ اللـهـ عـنـهـاـ كـانـتـ تـعـرـفـ مـفـاتـيـحـ النـبـيـ عـلـىـ الصـلاـةـ والـسـلامـ لـمـ بـيـغـضـبـ بـيـبـقـىـ شـكـلـهـ اـيـهـ - [00:14:41](#)

لـمـ بـيـرـضـىـ بـيـبـقـىـ شـكـلـهـ اـيـهـ كـذـلـكـ المـرـأـةـ الـذـكـيـةـ اـوـلـ مـاـ تـنـزـوـجـ وـاـنـاـ باـوـصـيـ الـبـنـاتـ اللـيـ هـمـ لـمـ يـتـزـوـجـنـ اـهـمـ حـاجـةـ عـلـشـانـ اـسـتـقـرـارـ

الحياة الزوجية ان تبحثي عن مفاتيح زوجك ما لقيتلوش مفتاح - 00:15:04

اعملني له طفاشة انت عارف الطفasha دي اللي بتفتح كل الاقفال يعني ما فيش قفل يستعصي على طفاش خالص. اخترعي بقى طفاشة افتحي له بقى باي وسيلة لكن لابد ان تنزري ابتداء الى مفاتيحة - 00:15:30

وبعدين خليلك زكية استنبطي جيتي لقيتية مسلا بصل كده وقام عامل كده خلاص لاول ما كمش وشه كده بقى اكيد في حاجة ما عجبتوش بتبع في البيت ما انتيش شايفة حاجة - 00:15:51

لو قدرتي تلقطيها بذكائك كده القطبيها وما تعليهاش تاني واعرفي ان دي بتضايقه وما تعليهاش والرجل يحب المرأة الذكية مش عارفة ايه هو كشر ليه ولا تكرمش وشه ليه ؟ قولوا له ايه - 00:16:08

في حاجة زعلتني كلها البتاعة دي مش عجباني خلاص بقى ما تتحطش تاني كوني له امة يكن لك عبدا واي المرأة عندها امكانات هائلة امكانات خرافية تقدر تلعب اجدع راجل في الدنيا - 00:16:25

بيلعبوا عالشناكيل انا اقول هذا الكلام بحق المرأة عندها امكانات رهيبة وعندها صلاحيات لا اخر لها وما فيش راجل ياخد في ايدها غلوبس تستعمل اقوى ما عندها و تستغرب يا اخي على اقوى ما عندها - 00:16:50

هو شدة ضعفها تخيل اقوى ما عندها هو شدة ضعفها كل ما تضعف تغلب وده مش كلام النبي عليه الصلاة والسلام قال يا عشر النساء ما رأيت اذهب للرجل الحازم - 00:17:18

من肯 ايه معنى الحازم دي الذي يغلب ولا يغلب امال حازم ازاي هي بقى يجيبيوا لمس كتاف من نفحة مش محتاجة تدخل معه مصارعة تنفخه بس يقع عشان كده انا قرأت زمان ان الرومان لم يكونوا يولون الرجل الملك الا اذا زوجوه - 00:17:43

فاما استطاع ان يروض المرأة ملكوه الملك بقى آآبيفهم طب اللي متجوز اربعة ده مش ممك يحكم العالم ها اشوف اشوف انا مظلوم ازاي ليه ؟ لان المرأة زي ما قلت لكم - 00:18:17

لها دهاء وعندها صلاحيات ولها طرق في اللعب كثيرة مش اربعة اتنين اربعة وتلاتة خمسة ستة والكلام الفارغ ده. لأن لها طرق كثيرة وده مش كلامي برضو ده كلام النبي عليه الصلاة والسلام - 00:18:45

قال ان المرأة لا تستقيم لك على طريقة بقى ممك تبقى مرة دفاع مرة هجوم مرة وسط لها كثير. انت بقى ما انتش فاضي وراك شركات ووراك مش عارف ايه ووراك بتاع والكلام ده. ما انتاش فاضلها بقى - 00:19:03

ها عشان تعرف بتلف ازاي وتعمل ازاي والكلام ده الرجل الحازم الذي يغلب ولا يرد. هي بتغلبه بقى يعني الرجل الحازم اذا طلع برة الدنيا واقفة على رجل واذا هو دخل جوة البيت مراته توقفه على رجل - 00:19:26

بيقى من الذي يحكم العالم المرأة هي التي تحكم العدل بقى قوتها في شدة ضعفها. لكن لما تقف قدام الرجل وعايزه تعمل رجل يكسرها على طول ده نوع من الغباء - 00:19:46

اللي بتعق فيه النساء كانوا هيتطلقووا. جولي ايه يا جماعة الموضوع قالت والله انا آآرحنا نختار عفش البيت موبيليا هو كلاسيك عايز عفش بنى وانا ما بحبش البنى انا عايز آآ - 00:20:06

حاجة شفتيشي كده يعني عايزه مسلا ايه رز بتقول لي يعني عايز السيمون اول مرة كنت اسمع لون السيمون ده في حياتي منها يعني. وانا وانا لحد دلوقتي ما اعرفش السيمون لونه ايه - 00:20:33

ها لكن اللي اعرفه سيمون دي بوفوار بس ها بتاعة فرنسا دي الولية ايها دي. لكن سيمون انا لحد ما يعني في الالوان شكله ايه يعني وانا اللي قاعدة في البيت والعنف في وشي ليل نهار - 00:20:48

فمش ممك يضملي البيت يقفله لي يجي لي كل بنى بنى. طب هو في الشغل طول النهار وبيجي يا دوبك يأكل اللقمة وينام وشخير ويسمع سابع جار. انا - 00:21:08

اللي قاعدة في البيت طول النهار. بقى عدى على الانترنيه وبدخل المطبخ وادخل اوضة النوم واوضة العيال ومش عارف ايه الكلام ده. فالازم يجيب لي عفش اريح آآنزري قلت له يا اخي عندها حق - 00:21:18

طب ليه ما تريحةاش قال انا كمان الالوان اللي بتاعة اليومين دول كده مش عجباني ايه اللي عايزه لي احمر وعايزه لي مش عارف ايه والكلام ده وبتاع فيه ساعات ما تقدرش تكلم الاثنين مع بعض. لازم تدي لكل واحد كلمة في ودنه لانك هتفسدهم الاثنين -

00:21:33

ما تقدرش تقرع الرجل قدام المرأة ولا تغلط المرأة قدام الرجل. طب يا جماعة الخير انا الان مش فاضي المهم ممكن تديني تليفوناتكم اه خدي التليفون اعمل مكالمة بقى كانت مكالمتي للست -

00:21:51

مش للراجل قلت لها بصي يا بنتي لو عايزه تجيبي العفش اللي انت عايزاه سببي له الاختيار ازكي اختياره دخلت الموبيليا ده انتم هتلتفوا لما تدوخوا لحد ما تلاقوا اللي انتم عايزينه. يعني هتمروا على ميت محل مبيد -

00:22:07

وبعدين من كتر الموبيليا والالوان والاسكال انت بتنسى اللي فات ما بتفتكرش وانت يعني مخك دفتر كل ما تيجي اوضة توم تقول لازيها لي في في الهارد ها لأن بتنسى على طول الالوان بتكتنس بعضها لانك انت هتتفرج على الوازن كثير جدا وبليد كده جدا وبتاع -

00:22:34

جيت انت الاثنين عشان تختاروا آآ بيقول لك ايه؟ اللون ده جميل. تقولوا له جميل. تسلم عينيك بس يلا نعمل ايه؟ نمشي شوية خلاص اللون ده هو نسيه -

00:22:54

طب وانت وانت تقولي لي طب ايه رأيك في اللون ده؟ لأن مش عاجبني. انا برضو مش عاجبني برضو. ها وتفضلوا ماشيين. ايه رأيك في اللون ده؟ هو يقول ايه -

00:23:15

اه رأيك في اللون ده؟ تقول له جميل ما شاء الله. ده حتى شف شف القعدة بتاعته لزيزة وكويسة ومش عارف ايه والكلام ده. ها يلا نمشي هتفضلوا ماشيين لحد ما تجيبي اللون اللي انت عايزاه -

00:23:25

اه رأيك في اللون ده؟ يقول لك ايه يعني خلاص يعني. وافضلوا ماشيين. ها وهندخل في اللون ده وندخل في المش عارف الكلام ده وفي الآخر هتجيب اللي انت عايزيه بس برضاه -

00:23:41

لكن لما تقولوا له انت كلاسيك وزوووك مجليط ومش عارف ايه والكلام دوت مين اللي يقبل هزا الكلام يعني انت تستطيع انك انت تاخدي اللي انت عايزاه بايه اللي انت عايزاه بس ما تكتسيش ذوق الرجل -

00:23:56

يبقى لما عائشة بتقول نظرت اليها ليكره ان انتصر بيقى عرفت مفاتيح النبي صلى الله عليه وسلم متى يغضب ومتى لا يغضب. متى يرضى ان ان ترد عليها ولا متى لا يرضى؟ قال فلما نظرت الى وجهه فوجدته انه لا يغضب ان انتصر -

00:24:11

قمت لها فافحصتها فتبسم النبي صلى الله عليه وسلم وقال انها ابنة ابي بكر خلاص؟ يعني اذا انا عايز اقول لو انا كزوج وامرأتي كامرأة كل واحد فينا كان له اسوة انتن لكن اسوة -

00:24:31

في النبي صلى الله عليه وسلم ثم في زوجاته صلى الله عليه وسلم ونحن كرجال لنا اسوة فيه صلى الله عليه وسلم يبقى نفك الاشتباك الحاصل في البيوت اللي منكد علينا عيشتنا كل حياتنا جميلة ورغد وليس عندنا اي شيء يعكر الحياة سوى ان كل انسان لا

يبحث في مفاتنه -

00:24:56 - 00:25:19